

2020-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerpeqarneranut

ILASSUTITUT ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingul-
lermik ilaasortarai:

Inatsisartunut ilaasortaq Karl Kristian Kruse, Siumut, siulittaasoq
Inatsisartunut ilaasortaq Peter Olsen, Inuit Ataqtigiit, siulittaasup tullia
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Karl Kristian Kruse, Siumut
Inatsisartunut ilaasortaq Múte Bourup Egede, Inuit Ataqtigiit
Inatsisartunut ilaasortaq Henrik Fleischer, Siumut
Inatsisartunut ilaasortaq Jens Napaattoq, Partii Naleraq

Imarisai:

1.	Aallaqqaasiut	3
2.	Aningaasaqarnermut Akileraartarnermullu Ataatsimiititaliap apeqquai/oqaaseqaatai aalajangersimasut – suliassaqarfinnut agguataarlugit	10
3.	Aningaasaliissutininut allannguutissatut siunnersuutit	10
3.1.	Sammissaq 6 – Teknikikkut allannguutit, pingajussaaneerinninneq	11
3.2.	Sammissaq 7 – Pingajussaaneerinninnissamut missingersuutininut sunniuteqanngitsumik allannguutit	11
3.3.	Sammissaq 8 – Isertitassanut missingiutit nutaat inatsisillu piumasqaataat naapertorlugit aningasartuutininut missingiutit nutaat, pingajussaaneerinninneq	12
3.4	Sammissaq 9 – Konto pingarneq 20.11.70 Suliniutininut nutaanut sillimmatit atugassanngortinneqarnera	13
3.5	Sammissaq 10 – konto pingarnerit 20.05.20 aamma 20.50.01 naammassineqarnissaat	14
3.6	Sammissaq 11 – konto pingarneq 20.11.56-ip atugassanngortinneqarnera	15
3.7	Sammissaq 12 – Aningaasanut inatsit pillugu isumaqatigiissut	16
3.8	Sammissaq 13 – Allannguutissatut siunnersuutit allat	17
4.	Oqaasertaliussanut allannguutissatut siunnersuutit	17
4.1.	Naalakkersuisut oqaasertaliussanut allannguutissatut siunnersuutaat	17
5.	Aningaasaqarnermut Ataatsimiititaliap inassuteqaatai	19

Ilanngussanut takussutissiaq:

- F Aningaasanut inatsisissatut siunnersuutip aappassaaneerreqarneranut Naalakkersuisut allannguutissatut siunnersuutaat pillugit Aningaasaqarnermut Akileraartarnermullu Ataatsimiititaliap siunnersiunissamut apeqquai kiisalu Naalakkersuisup oqaasissaanut allakkiaq 1. november 2019-imeersoq.
- G Siunnersuutip pingajussaaneerreqarnissaanut Naalakkersuisut aningaasaliissutininut allannguutissatut siunnersuutaat 19. november 2019-imeersut. (Allannguutissatut siunnersuutit nr. 63-152).
- H Siunnersuutip pingajussaaneerreqarnissaanut Naalakkersuisut oqaasertaliussanut allannguutissatut siunnersuutaat 19. november 2019-imeersut. (Allannguutissatut siunnersuutit nr. 153-169).
- I Naalakkersuisut AIS 2020-p pingajussaaneerreqarnissaanut allannguutissatut siunnersuutaannut naqqiut. (Allannguutissatut siunnersuutit nr. 128 aamma 153).

1. Aallaqqaasiut

Aningaasanut inatsisissatut siunnersuutip Naalakkersuisullu allannguutissatut siunnersuutaasa kiisalu ataatsimiititaliap apeqqutaanut akissutit suliarineqarnissaannut naammattumik piffissaqartinneqarnissani siunnersuutip aappassaaneerneqarnissaanut isumaliutissiissummini ataatsimiititaliap kissaatigaa. Kiisalu pingajussaaneerinninnissaq sioqqullugu suliaasaqangaatsiarnissaq ataatsimiititaliamit ilimagineqareerpoq. Naalakkersuisut siunnersuutip pingajussaaneerneqarnissaanut allannguutissatut siunnersuutaasa suliarineqarnissaannut naammattumik piffissaqarniarnissaq ajornarsinnaasoq ataatsimiititaliamit ilimagineqareerpoq. Taamaattumillu ajornartorsiut taanna Naalakkersuisunut immikkut eqqumaffigeqqullugu ataatsimiititaliap kaammattuutigaa.

Inatsisartut 2020-mi aningaasanut inatsisissatut siunnersuummik siullermeerinninnerat ulloq 24. september 2019-imi pivog. Tamanna sioqqullugu apeqqutit oqaaseqaatillu arlallit ulloq 4. oktober akissuteqarfissatut killigitillugu ataatsimiititaliamit allakkatigut 13. septemberimeersutigut Naalakkersuisunut nassiunneqarput. Akissuteqaatit ataatsimiititaliamit Naalakkersuisunut ulloq 10. oktober nukingisaarutigineqarput, taakkulu ulloq 22. oktober tiguneqarlutik. Tamanna tungavigalugu aappassaaneerinninnissap 24. oktoberimit ulloq 5. novemberimut ataatsimiititaliap kinguartittariaqarsimavaa. Naalakkersuisut aappassaaneerinninnissamut allannguutissatut siunnersuutaat 62-it aatsaat 25. oktober ataatsimiititaliamit tiguneqarput.

Tamatuma kingorna immikkoortup ulloq 5. november aappassaaneerneqannginnerani ataatsimiititaliaq ulloq 2. november isumaliutissiissuteqarpoq. Aningaasanut inatsimmik suliaqarnerup ingerlaqqinnissaanut Naalakkersuisut pilersaarutaat ataatsimiititaliamit ulloq 7. november ujartorneqarput aammalu immikkoortup pilersaarutip malillugit ulloq 14. november pingajussaaneerneqarnissaanut Naalakkersuisut allannguutissatut siunnersuutaat ataatsimiititaliamit ulloq 15. november nukingisaarutigineqarput.

Taamaalinerani aningaasanut inatsisissatut siunnersuutip pingajussaaneerneqarnissaata kinguartinneqarnissaa Naalakkersuisut Inatsisartut Siulittaasoqarfiannut qinnutigisimavaat. Taanna ulloq 21. novemberimut oqaluuserisassanngortinneqarpoq. Tamatuma kingunerisaa-nik ataatsimiititaliaq ulloq 18. november ilassutitut isumaliutissiissuteqartussanngorpoq. Aatsaalli ulloq 19. november 2019, nal. 11.43 Naalakkersuisut allannguutissatut siunnersuutaat atsiorsimasut ataatsimiititaliamit tiguneqarput. Inatsisartut ataatsimiittarfianni ataatsimiinneq pissutigalugu 19. novemberimi aatsaat unnukkut allannguutissatut siunnersuutit ataatsimiititaliamit misissorneqarsinnaasimapput. Ataatsimiititaliaq ulloq 18. november isumaliutissiissuteqarsinnaasimagaluarpoq, tamatumali kingunerisimassallugu marloqiusamik sulisoqarnera, tassami Naalakkersuisut allannguutissatut siunnersuutaat

ataatsimiititaliamit aatsaat isummerfigineqarsinnaammata atsiorneqarlutik tunniunneqareer-pata.

Siunnersuutip pingajussaaneerneqarnissaanut ulloq 21. november ingerlanneqartussamut ilassutitut isumaliutissiissutissani ataatsimiititaliap aatsaat 20. november tunniussinnaasimavaa. Ataatsimiititaliap isumaliutissiissuteqarnerata kingorna ullut pingasut qaangiunneranni oqaluuserisassat Inatsisartunit aatsaat nalinginnaasumik oqaluuserineqartaraluarput. Kingusinnerpaamilli tunniussivissamik saneqqutsinissamut ataatsimiititaliaq Inatsisartut Siulittaasoqarfiannit immikkut akuerineqarpoq.

Ajornartorsiut immikkut ittoq alla ataatsimiititaliap Naalakkersuisunut qaqitaa tassaavoq ataatsimoortumik tapiissutit pillugit ukiumoortumik isumaqatigiissut. Ataatsimoortumik tapiissutit aningaasanut inatsimmi aningaasartuutit immikkoortut anginerpaartaraat aammalu nunatsinni tamarmi innuttaasut ulluinnarni inuunerannut assorujussuaq pingaaruteqarlutik. Taamaattumillu ataatsimoortumik tapiissutit pillugit isumaqatigiissut qaqugu naammassineqarnissaa Naalakkersuisunit naatsorsuutigineqarnera pillugu akissutisinnissani ataatsimiititaliap kissaatigaa. Ataatsimoortumik tapiissutit pillugit isumaqatigiissut pingajussaaneerneqarnissaa Naalakkersuisut anguniarpaat, taamaattorli imaalillugu tamanna pillugu allannguutissatut siunnersuut pingajussaaneerinninnissamut aatsaat saqqummiunneqarnissaa naatsorsuutigineqarsinnaalluni. Isumaqatigiinniarnit qaqugu naammassineqartussatut naatsorsuutigineqarnera aammalu isumaqatigiissutit kinguartoornanunna suna tunngaviunersooq ilisimatinneqarnissani ataatsimiititaliap 17. novemberimi allakkatigut kissaatigaa. Tamatuma peqatigisaanik 2020-mi aningaasanut inatsisissatut siunnersuutip pingajussaaneerneqarnissaa sisamangornermi ulloq 21. november 2019-imi pissasoq, taamaattumillu ataatsimiititaliaq kingusinnerpaamik ataasinngornermi ulloq 18. November isumaliutissiissuteqassasoq ataatsimiititaliap Naalakkersuisunut eqqaasitsissutigaa. Naalakkersuisut kommuninit allakkanik ulloq 18. november tigusaqarsimallutik nalunaarutigaa, tassani kommunit isummerput isumaqatigiissutit oqaasertai tusaatissatut tiguniarlugit isumaqatigiissulli atsiornagu.

Naalakkersuisut allannguutissatut siunnersuutaannit ataatsimiititaliap paasivaa kommuninut 2020-mi ataatsimoortumik tapiissutit pillugit isumaqatigiissut suli atsiorneqannitsoq. Tamanna ataatsimiititaliamit assut ajuusaarnartutut naammaginangitsutullu isigineqarpoq, taamaattumillu neriuutigalugu suliassaqarfimmi tassani assut pingaaruteqartumi Inatsisartut Naalakkersuisullu siunissami suleqatigiinnerat illuatungeriinnut tamanut naammaginartumik ingerlasinnaassasoq.

1.1 Siunnersuutip aappassaaneerera

Aningaasanut inatsisissatut siunnersuut Inatsisartunit marlunngornermi ulloq 5. november 2019-imi aappassaaneerineqarpoq. Siunnersuummik aappassaaneerinninnermi siunnersuut

Aningaasaqarnermut Akileraartarnermullu Ataatsimiititaliamit suliareqqitassanngorlugu innersuunneqarpoq.

Siunnersuutip aappassaaneerneqarneranut allannguutissatut siunnersuutininik 62-inik Naalakkersuisut saqqummiussipput, taakkunanga 50-it aningaasaliissutinut allannguutissatut siunnersuutaapput 12-illu oqaasertaliussanut allannguutissatut siunnersuutaallutik. Aningaasaliissutinut allannguutissatut siunnersuutininut nr. 23, 25, 28, 30, 41-44, 45 kiisalu 49 50-imullu isummernissani ataatsimiititaliap aningaasanut inatsisissatut siunnersuutip pingajussaaneerneqarnissaanut kinguartippaa. Allannguutissatut siunnersuutit sinneri ataatsimiititaliap inassuteqareerneratigut Inatsisartunit akuerineqarput. Taamatuttaaq oqaasertaliussanut allannguutissatut siunnersuutit akuerineqarput.

Aappassaaneerinninnissamut Naalakkersuisut allannguutissatut siunnersuutaasa akuerineqarnerisigut piffissap aningaasanut inatsiseqarfiusup oqimaaqatigiiffiunissaanik inatsisikkut piunasaqaat eqquutsinneqassanngimmat aappassaaneerinninnissamut isumaliutissiissummini Aningaasaqarnermut Akileraartarnermullu Ataatsimiititaliap oqaatigaa. Tamatuma kingorna piffissaq aningaasanut inatsiseqarfiusooq 2020-2023 tamaat isigissagaanni **IS-imi amigartoorutit** tamarmiusut 70,6 mio. kr.-iussapput.

Tassunga atatillugu isertitat aningaasartuutillu akornanni oqimaaqatigiittoqarnissaanik tunngavik Naalakkersuisunit aalajangiusimaneqassasoq ataatsimiititaliamit naatsorsuutigineqarpoq, taamatullu pingajussaaneerinnissamut allannguutissatut siunnersuusiornermi naammassineqarnissaa qularnaaqquneqarluni. Taamaattumillu ukiut tulluuttut sisamat ingerlaneranni isertitat aningaasartuutillu akornanni oqimaaqatigiittoqarnissaanut aningaasalersuutissat amigaataasut Naalakkersuisut pingajussaaneerinninnissamut allannguutissatut siunnersuutaasigut qanoq iluarsinarneqarnerisut takunissaat ataatsimiititaliamit qilanaarineqarpoq. Tamanna piffissaq qanittoq isigalugu aalajangiisuulluinnarpoq.

1.2 Aningaasanut inatsisissatut siunnersuutip aaqqissugaanera aningaasaliissuteqartarnermilu maleruagassat

Naalakkersuisut aningaasanut inatsisissatut siunnersuutip suliarineqarnissaanut aaqqissuunneqarnissaanullu malittarisassaliorsinnaasut § 13, imm. 1-imi allassimavoq. Malitsigisatut nalunaarutininik attuumassutilinnik, inatsisip piviusunngortinneqarnissaanut aqutsivigineqarnissaanullu pingaaruteqartunik, suliaqarnertik Naalakkersuisut aallartissimagaat AIS 2019-imut nalinginnaasumik nassuiaatinik misissuinermini ataatsimiititaliap maluginiarpaa. Suliali tamatuma qaqugu naammassineqartussatut naatsorsuutigineqarnera ilisimaneqanngilaq. Suliaq tamanna 2020-mi ingerlaqqissasoq Naalakkersuisut paasissutissiipput. Kiisalu malitsitut nalunaarutit arlallit suliarineqareernerisigut missingersuusiornermut inatsit aningaasartuutininik aqutsinermut naalakkersuinikkut killissanik pisariaqartumik oqimaaqatigiittoqarnissaata qulakkeerneqarnissaanut peqataaqataasussanik tunngavissiissasoq Naalak-

kersuisut paasissutissiipput. Pisortat aningaasaqarnerannik aqutsinermi tungavissat inissinnaannut Inatsisartut sulii ukiuni marlussunni utaqeqqaartariaqarsorinarput.

Missingersuusiordermut inatsimmi §§-it 2-miit 5-imut atorunnaarallarnissaannik, taamaalillunilu taakkua 1 januar 2019-imit 31 december 2021-mut atorneqannginnissaannik, Naalakkersuisut siunnersuutaat (UKA 2018/192) Inatsisartut 2018-imi ukiakkut akuerimmassuk oqaatigineqassaaq. Aalajangersakkani ilaatigut pineqarpoq pisortat aningaasarnerata ukiut sisamat ingerlaneranni oqimaaqatigiiffiunissaanik imaluunniit sinneqartoorfiunissaanik piunasaqaat. Pisortat aningaasarnerata ukiut sisamat ingerlaneranni oqimaaqatigiiffiunissaanik imaluunniit sinneqartoorfiunissaanik piunasaqaat Naalakkersuisut namminneq atorunnaarsikkallarpat. Piffissaq atorunnaarsitsiviusoq 31. december 2021-ip tungaanut ingerlavoq.

Aningaasanut inatsisip oqimaaqatigiiffiunissaanik piunasaqaatip oqallisigineqarnera pillugu UPA 2019/20-mut ilassutitut isumaliutissiisumminit ataatsimiititaliaq ima allappoq:

”Pisortat aningaasaqarnerata oqimaaqatigiiffiunissaata imaluunniit sinneqartoorfiunissaata isumatusaartuunissaa ataatsimiititaliamit takuneqarsinnaavoq, soorlu tamanna nunatta aningaasaqarnikkut maanna pitsaasumik inissisimannara eqqarsaatigalugu Aningaasaqarnermut Siunnersuisoqatigiinnit kaammattuutigineqartoq. Oqimaaqatigiittoqarnissaanik taamatut piunasaqaat immikkut anguniagaanani ungasissumut isigaluni kissaatitut ataatsimiititaliamit isigineqarpoq. Ataatsimiititaliap isumaa malillugu oqimaaqatigiittoqarnissaanik piunasaqaat, assersuutigalugu ullunut ajornernut ileqqaarnikkut inuiaqatigiinni aningaasaqarnikkut nikerarpallaartoqarnissaanut pinngitsoortitsinissamut, aningaasaqarnikkut sakkussatut isigineqarsinnaavoq.”

Aalisarneq pissutigalugu nunatta aningaasaqarnera massakkut pitsaasumik inissisimavoq aammalu nunatsinni piffiit ilaanni sanaartormik annertuumik ingerlatsisoqarluni. Naluneqanngitsutut aningaasarsiorneq ingerlalluortarunilu ingerlanerluttarpoq. Inuiaqatigiinni ingerlatat ikilinerisa nassatarisaanik aningaasarsiornerup ingerlanerlunnera aningaasanut inatsimmut nalinginnaasumik unammillernarsisarpoq. Piffissat ingerlalluarfiusut nalaanni nunatta karsiani aningaasanik ileqqaartoqanngippat aningaasanut inatsisip oqimaaqatigiiffiunissaanik siuliani piunasaqaat suliaannik amigaateqarneq akiorniarlugu suliniutinik aallartitsinissamut, taamaalillunilu aamma akileraarutitigut isertitassanut, unitsitsisutut suniuteqassaaq. Taamaalillunilu aningaasanut inatsisini ukiumoortuni oqimaaqatigiittoqarnissaanik kissaatit piffissamut sivikitsumut isigisut aningaasarsiorneq iluarsaqqinnikkullu isiginiagassat piffissamut ungasissumut isigisut akornanni oqimaaqatigiissaarinissaaq aningaasanut inatsimmik suliaqarnermi pisariaqartarpoq.

Ungasinnerusorli isigalugu suliaasaq annertunerujussuavoq. Ajornartorsiut attassisinnaanermut siuariartormullu pilersaarummi 2016-imeersumi ajunngilluinnartumik nassuiaa-

tigineqarpoq. Tassani ilaatigut allassimavoq, pisortat ingerlataqarfiini isertitat aningaasartuutillu tamarmiusut ineriartorneri 2030-mi 1 mia. kr.-ingajannik ukiumut amigartooru-
teqarnermik kinguneqarsinnaasut, suliassat annertuut ilungersunartullu aaqqiiffigineqan-
ngippata.

Taamaattumillu suliassaqaarfiit ilaanni aningaasartuuteqarnissamik piariaqartitsinerup anner-
tusiartorneranut aningaasalersuutissanik nassaarniartoqartariaqassaaq, tamatumalu kingune-
risinnaavaa aningaasartuutit ullumikkut sungiussimasatta tamarmik eqquutsinnissaannut
nunatta karsianiittut naammannginnissaat.

Pingaarnertigut pilersaarut iluarsaaqqinnermi sammivinnik sisamanik makkuninnga ima-
qarpoq:

- Ilinniarsimassutsip qaffasissusiata annertusinissaa
- Siuariartorneq siuarsarlugu aamma arlariinnik sammivilimmut aningaasaqarnermut
allanngortitsineq
- Pisortat ingerlataqarfiinik nutarterineq
- Atugarissaarnermi pisartagarisat siunissamut qulakkeerreqarneri

Iluarsaaqqinnermi sammiviit sisamat iluaqutigalugit aningaasartuutit isertitallu akornanni
matussuserneqanngitsut, pisortat aningaasaqarneranni attassisinnaanermik ajornartorsiutitut
taaneqartup taamanilu 830 mio.-it missaannik annertussuseqartutut tagginneqartup, matus-
suserneqarnissaa kissaatigineqarpoq. Aningaasanut inatsisit ukiumoortut suliarineqarne-
rannut atatillugu tamatuma eqqumaffigineqarnissaa ataatsimiititaliamut aalajangiisuuvoq.

Aningaasaqarnermut Siunnersuisoqatigiit 2016-imi nalunaarussiaata imarai aningaasat
nalingisa nikerarnerat pillugu ilimagisat, taamanikkut aningaasarsiornikkut ingerlatsineq
ilinniartitaanerlu.

Sulisusaqartitsiniarneq inuussutissarsiornikkut anguniakkanik aalajangersaanermi annertuu-
mik pingaartinneqartartoq, tamannalu assersuutigalugu tulaassisussaataaneq, nunalerinermi
anguniakkat, aalisarsinnaanermut akuersissutit il.il. eqqarsaatigalugit atuuttoq siunnersui-
soqatigiit ilaatigut tikkuarpaat. Tamatumani aarlerinarsinnaasoq tassaavoq ataavartumik ta-
piissuteqartariaqarneq, taamaalilluni aaqqissuussaannikkut naleqqussaannissat pisariaqartut
pinngitsoortinneqarnerat. Taamaattumik inuussutissarsiornermut tapiissutit piffissamut killi-
ligaanissaat aammalu suliniummut tapiissuteqassagaanni qularnaveeqqusiissagaanniluunniit
anigaaseriviup imaluunniit taarsigassarsinissamut naliliisarfiup taarsigassarsinissamik su-
kumiisumik naliliisimanissaat pisariaqartoq attassisinnaanermut siuariartornermullu piler-
saarummi naqissuserneqarmat siunnersuisoqatigiit naapertuuttutut isigaat. Tamatuma peqa-
tigisaanik toqqaannartumik toqqaannangitsumillu tapiissutit aalajangersaavigisinnaa-
jumallugit inuussutissarsiornikkut anguniakkat tamarmiusut qulaajaavigineqartariaqarput,
tamatumalu kingorna tunngavissat taakku naapertorlugit naleqqussarneqarlutik.

Siunnersuisoqatigiit isumaat malillugu aningaasaqarneq tamarmiusoq aalisarnerup nikerarneranit sunnersimaneqarpoq. Piffissaq qaninnerusoq isigalugu isumalluarnaraluarpal-luunniit siunnersuisoqatigiit naliliinerat malillugu inuussutissarsiornikkut tunngavissat ikittuinnaanerat aammalu sulisinnaasut appassissumik ilinniagaqarnerat eqqarsaatigalugit aaqqissuussaankkut ajornartorsiuteqarpoq suli aaqqinneqarsimanngitsunik.

Siunnersuisoqatigiit isumaat malillugu attassisinnaanermut siuariartornermullu pilersaarut anguniakkanik iliuusissatullu nalunaarutinik amerlasuunik imaqarpoq, ajoraluartumilli naalackersuinikkut iliuusissat/aaqqissuusseqqinnerit aalajangersimasut annikitsuinnaallutik. Tamatumali peqatigisaanik attassisinnaanermut siuariartornermullu pilersaarummi allasimavoq ajornartorsiutit annertuut aaqqinneqarsinnaasut. Unammilligassat aaqqiiviginissaanut aningaasanut inatsimmik ukiuni aggersuni suliaqarneq peqataaqataasinnaassasoq ataatsimiititaliamit neriuutigineqarpoq.

Tamanna tunngavigalugu aningaasanut inatsisissatut siunnersuutip Inatsisartunit pingajussaaneernejarnissaanut Aningaasaqarnermut Akileraartarnermullu Ataatsimiititaliaq matumuuna ilassutitut isumaliutissiissuteqarpoq.

1.3 Aappassaaneerinninnissamut allannguutissatut siunnersuutit

Naalackersuisut aningaasanut inatsisissatut siunnersuutip aappassaaneernejarnissaanut allannguutissatut siunnersuutinik 62-inik saqqummiussipput. Taakkunannga 50-it aningaasaliissutitut allannguutissatut siunnersuutaapput 12-illu oqaasertaliussanut allannguutissatut siunnersuutaallutik. Ataatsimiititaliap inassuteqarneratigut aqaasertaliussanut allannguutissatut siunnersuutit tamarmik akuersissutigineqarput. Tamatuma peqatigisaanik aningaasaliissutitut allannguutissatut siunnersuutinut arlalinnut sammisanut ukununnga immikkoortinneqarsimasunut isummernissani ataatsimiititaliap kinguartippaa:

Sammissaq 1 – Teknikikkut allannguutit

Qulequttami tassani allannguutissatut siunnersuutinik 30-inik Naalackersuisut saqqummiussipput. Ataatsimiititaliap inassuteqarneratigut allannguutissatut siunnersuutit nr. 1-22, 24, 26, 27 kiisalu 29 akuersissutigineqarput.

Sammissaq 1-ip ataani allannguutissatut allannguutissatut siunnersuutit nr. 23, 25, 28 kiisalu 30 **akueringeqassasut** ataatsimiititaliap isumaqatigiittup **inassutigaat**.

Sammissaq 2 – Missingersuutinut sunniuteqanngitsumik allannguutit

Qulequttami tassani allannguutissatut siunnersuutinik 14-inik Naalackersuisut saqqummiussipput. Ataatsimiititaliap inassuteqarneratigut allannguutissatut siunnersuutit nr. 31-mit 40-mut akuersissutigineqarput.

Sammissaq 2-p ataani allannguutissatut allannguutissatut siunnersuutit nr. 41-mit 44-mut **akuerineqassasut** ataatsimiititaliap isumaqatigiittup **inassutigaaat**.

Sammissaq 3 – Isertitassatut missingiutit nutaat kiisalu inatsisit naapertorlugit aningaasaliissutissanut missingiutit nutaat

Qulequttami tassani allannguutissatut siunnersuummik 1-imik Naalakkersuisut saqqummiussipput.

Sammissaq 3-p ataani allannguutissatut allannguutissatut siunnersuut nr. 45 **akuerineqassasoq** ataatsimiititaliap isumaqatigiittup **inassutigaaat**.

Sammissaq 4 – Aningaasartuutaanerusut

Qulequttami tassani allannguutissatut siunnersuutininik 3-nik, ataatsimiititaliap inassuteqarneratigut akuerineqartunik, Naalakkersuisut saqqummiussipput.

Sammissaq 5 – Pisariillisaaneq suliniut, ERP

Qulequttami tassani allannguutissatut siunnersuutininik 2-nik Naalakkersuisut saqqummiussipput.

Sammissaq 5-ip ataani allannguutissatut allannguutissatut siunnersuutit nr. 49 aamma 50 **akuerineqassasut** ataatsimiititaliap isumaqatigiittup **inassutigaaat**.

1.4 Pingajussaaneerinninnissamut allannguutissatut siunnersuutit

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinit isumaqatigiinniarnertit tunngavigalugit Naalakkersuisut allannguutissatut siunnersuutininik 107-inik ulloq xx. november 2019-imi saqqummiussipput. Taakkunanga 90-it aningaasaliissutinut allannguutissatut siunnersuutaapput, tak. ilanngusaq G, 17-illu oqaasertaliussanut allannguutissatut siunnersuutaallutik, tak. ilanngusaq H.

AIS2019-ip appassaaneerineqarnerani pingajussaaneerineqarneranilu IST-p IS-illu inerneranut sunniutissat tamarmiusut takussutissiami matuma kingulianiittumi takutinneqarput. Malugeqquneqarpoq sinneqartoortit saaminni minusimik nalunaarneqarmata.

Aningaasat mio. kr.-inngorlugit.	2020	2021	2022	2023
AIS2020-imi IST-p inernera	-16,1	-2,2	-19,6	-3,6
AI2020-imi IS-ip inernera	-6,6	8,0	-9,6	6,4
Aappassaaneerinninnermi allannguutissatut siun-	19,7	16,3	18,2	18,2

nersuutit IST-mut sunniutaat:				
Aappassaaneerinninnermi IST-p inernera	3,6	14,1	-1,4	14,6
Aappassaaneerinninnermi IS-p inernera	13,1	24,3	8,6	24,6
Pingajussaaneerinninnissamut allannguutissatut siunnersuutit IST-mut sunniutaat:	-62,7	-1,4	1,8	-8,6
Pingajussaaneerinninnermi IST-p inernera	-59,1	12,7	0,4	6,0
Pingajussaaneerinninnermi IS-p inernera	-49,6	22,9	10,4	16,0

Nalunaarsuiffimmi siuliani aappassaaneerinninnermut pingajussaaneerinninnermullu allannguutissatut siunnersuutitigut, allannguutissatut siunnersuutit saqqummiunneqartut akuersissutigineqassapata, 2019-imi IS-ip inerneranik 49,6 mio. kr.-nik AI2020-p sinneqartoorfiunissaa takuneqarsinnaavoq. 2020-2023-mut piffissaq tamakkerlugu IS-ip ataasimut inernera 0,3 mio. kr.-nik sinneqartoorfiussaaq.

IST-mik naatsorsuinnermi piffissaq 2020-2023 tamakkerlugu 40,0 mio. kr.-nik sinneqartoorfiussaaq.

2. Aningaasaqarnermut Akileraartarnermullu Ataatsimiititaliap apeqquai/oqaaseqaatai aalajangersimasut – suliassaqarfinnut agguataarlugit

Ataatsimiititaliaq immikkuullarissunit oqaaseqaatissaqanngilaq.

3. Aningaasaliissutinut allannguutissatut siunnersuutit

Siusinnerusukkut taaneqareersutut Naalakkersuisut aningaasaliissutinut allannguutissatut siunnersuutinik nutaanik 90-inik aammalu oqaasertaliussanut allannguutissatut siunnersuutinik 17-inik saqqummiussipput. Taamaalillunilu pingajussaaneerinninnissamut allannguutissatut siunnersuutit katillutik 107-iupput. Sammisaaq 6 - 13-imut agguataarlugit konto pingaarnernut sammisat arfineq pingasuusut allannguutissatut siunnersuutinut ilanngussaq 1-imi takuneqarsinnaavoq. Sammisat ataasiakkaat imarisaat pingaarnerit matuma kinguliani naatsumik allaaserineqarput.

Aningaasaliissutinut takussutissiaq Naalakkersuisut allannguutissatut siunnersuutaannut saarlinngorlugu ilanngunneqarpoq, taannalu ilassutitut isumaliutissiisummut ilanngussaq G-tut ilanngunneqarpoq.

Pingajussaaneerinninnissamut aningaasaliissutinut allannguutissatut siunnersuutit sammisanut ukununnga immikkoortinneqarsimapput:

sammisaaq 6: Teknikikkut allannguutit, pingajussaaneerinninneq: allannguutissatut

siunnersuutit 9-t

sammisaq 7: Pingajussaaneerinninnissamut missingersuutininut sunniuteqanngitsumik allannguutit: allannguutissatut siunnersuutit 15-it

sammisaq 8: Isertitassanut missingiutit nutaat inatsisillu piumasaqaataat naapertorlugit aningasartuutininut missingiutit nutaat, pingajussaaneerinninneq: allannguutissatut siunnersuutit 12-it

sammisaq 9: Konto pingaarneq 20.11.70 Suliniutininut nutaanut sillimmatit atugassanngortinneqarnera: allannguutissatut siunnersuutit 14-it

sammisaq 10: konto pingaarnerit 20.05.20 aamma 20.50.01 naammassineqarnissaat: allannguutissatut siunnersuutit 3-it

sammisaq 11: konto pingaarneq 20.11.56-ip atugassanngortinneqarnera: allannguutissatut siunnersuutit 12-it

sammisaq 12: Aningaasanut inatsit pillugu isumaqatigiissut: allannguutissatut siunnersuutit 18-it

sammisaq 13: Allannguutissatut siunnersuutit allat: allannguutissatut siunnersuutit 7-it.

3.1. Sammisaq 6 – Teknikikkut allannguutit, pingajussaaneerinninneq

Qulequttami tassani allannguutissatut siunnersuutininik 9-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2020-imi ukiunilu missingersuusiorfiusuni IST-mut sunniuteqassanngillat.

Sammisami konto pingaarnerni 30.10.37 Nuna tamakkerlugu meeqqanut inuusuttunullu ulloq unnuarlu paaqqinniffiit aamma 30.13.41 Innarluutilinnut Angerlarsimaffiit suliat ilaatigut aaqiiviginiarneqarput, taamaalilluni angerlarsimaffinnut aningaassaliissutit akit akissarsiallu qaffakkiartorerannut assigiimmik 0,64 %-imik, AIS 2020-mi kommunininut ataatsimoortumik tapiissutininut aningaassaliissutini atorneqartumik nalimmassarneqarlutik.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisaq 6-p ataani allannguutissatut siunnersuutit nr. 63-imit 71-imut **akuerineqassasut** ataatsimiititaliami amerlanerussuteqartut Siumup Demokraatillu **inassutigaat**.

3.2. Sammisaq 7 – Pingajussaaneerinninnissamut missingersuutininut sunniuteqanngitsumik allannguutit

Qulequttami tassani allannguutissatut siunnersuutininik 15-inik Naalakkersuisut saqqummiussipput. Taakku IST-p inerneranut 2020-imi 2,5 mio. kr.-inik aammalu 2021-mi 2022-milu 1,5 mio. kr.-inik ajorseriaataassapput aammalu 2023-mi IST-p inerneranut 5,5 mio. kr.-inik pitsanngoriaataassapput, taamaalillutillu piffissap aningaasanut inatsisip atuuffiani IST-mut sunniuteqassanatik.

Sulinermut ilanngaas, kiisalu Ilangaassivik pillugu inatsisissatut siunnersuutit akuer-sissutigineqarnerisa nassatarisaannik sammisami allannguutissatut siunnersuutininik arlalinnik saqqummiussisoqarpoq. Inatsisissatut siunnersuutit ukiaanerani maanna ataatsimiinnermi immikkoortutut 17-itut aamma 19-itut saqqummiunneqarput. Inatsisissatut siunnersuutit konto pingaarnermi 20.11.51 Aaqqissuusseqqinnerit sunniutaat atugassanngortinneqas-sapput. Taamattaq konto pingaarnermi 72.26.02 Mittarfeqarfiit kontumut pingaarnermut nutaamut 72.26.03 Mittarfeqarfiit, innaallagissamik imermillu pilersuineq 4,9 mio. kr.-t nuunneqarnissaat qinnutigineqarpoq, taamaaliornertu assigiimmik akeqalersitsinerup kingor-na Mittarfeqarfinnut taarsiissutinut tunngatillugu erseqqissuutitsinissamik pilersitsinermik kissaateqarneq aallaavigalugu pivoq. AI2019-imi Nukissiorfiit akigititai aallaavigalugit Mittarfeqarfiit 4,9 mio. kr.-nik taarsiissutisivoq, taakkulu Kangerlussuarmut, Narsarsuarmut Kulusummullu aamma tunngasussaapput, taamaalillunilu Kalaallit Nunaanni illoqarfiit nunaqarfiillu innaallagissamut imermullu assigiimmik akeqartitsiviupput. Mittarfeqarfiit Kangerlussuarmi, Narsarsuarmi Kulusuullu ilaani innaallagissamik imermillu tamanut pilersuineramik ingerlatsipput. Konto pingaarnermi nutaami taarsiissutit konto pingaarnikkut immikkoortukkut aningaasaliissutigineqarput.

Kommunini nunaqarfiit amerlassusiat aallaavigalugu kommunit akornanni agguaasseriaaseq allannguutissatut siunnersuummi nr. 70-imi atorneqarsimasoq Aningaasaqarnermut Ataatsimiititaliamit maluginiarneqarpoq, Demokratinillu iluarisimaarneqarluni. Agguaasseriaat-simik allamik, aningaasat aningaasanut inatsisissani aggersuni pitsaanerpaamik atorneqa-rsinnaanissaannik qulakkeerinnittumik nassaarniaqqullugit Naalakkersuisut ataatsimiitita-liamit amerlanerussuteqartunit kaammattorneqarput.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammisaq 7-ip ataani allannguutissatut siunnersuutit nr. 72-imit 86-imut **akuerineqassasut** ataatsimiititaliami amerlanerussuteqartut Siumup Demokraatillu **inassutigaaat**.

3.3. Sammisaaq 8 – Isertitassanut missingiutit nutaat inatsisillu piunasaqaataat naaper-torlugit aningasartuutininut missingiutit nutaat, pingajussaaneerinninneq

Qulequttami tassani allannguutissatut siunnersuutininik 12-inik Naalakkersuisut saqqum-miussipput. Taakku IST-p inerneranut 2020-imi 18,922 mio. kr.-inik, 2021-mi 20,5 mio. kr.-inik, 2022-mi 22,8 mio. kr.-inik kiisalu 2023-mi 24,6 mio. kr.-inik pitsanngoriaataassapput.

Sammisami allannguutissatut siunnersuutit aqqaneq-marluk ukiumut 20 mio. kr.-nik missin-gersuutininik pitsanngoriartitsisut saqqummiunneqarput. Tamatuma ilaatigut immikkoortoq 30-mi inatsisit naapertorlugit aningaasaliissutini aningaasartuutissatut missingiutit, ilaatigut erninerup kingorna sulinnigiffeqarnermi ullormusianut siusinaartumillu pensionisianut

aningsaasartuutit ineriartornerat kingulleq tunuliaqutaralugu iluarsiivigineqarnerat nassataraa. Taamattaaq konto pingaarneq 24.10.10 Nuna tamakkerlugu akileraartut ukiumut isertitassanut missingiutip 15 mio. kr.-nik qaffanneqarnissaa qinnutigineqarpoq. Qaffaaneq ilaatigut ingerlaavartumik akileraarutinik A-nik akiliutit 2019-imi ineriartornerup nassatarisaanik ukiumut 20 mio. kr.-nik qaffanneqarnerannik imaqarpoq. Taamattaaq tamakkiisumik akileraarutinit iluanaarutit mittarfiliortiternerit aallartinneqarnerisa nassatarisaannik ukiumut 5 mio. kr.-nit 20 mio. kr.-nut qaffanneqarnissaat qinnutigineqarpoq. Peqatigisaanik tamakkiisumik akileraarutinit iluanaarutit Ungasissumut sammititamik aningaasaliinernut aningaasaateqarfimmut nuunneqarnissaat suliama kisitsisini erseqqissarneqassasoq qinnutigineqarpoq. Iluanaarutit taakku ungasissumut sammititamik aningaasaliinernut aningaasaateqarfimmut nuunneqarnerisigut, kontumi pingaarnermi isertitassatut missingiussat ataatsimut isigalugu ukiumut 15 mio. kr.-nik qaffanneqarput. Naggataagut konto pingaarnermi 24.11.12 Raajanut akitsuut isertitassatut missingiutip ukiumut 4,2 mio. kr.-nik qaffanneqarnissaa qinnutigineqarpoq, akerlianillu konto pingaarnermi 24.11.26 Aalisakkanut ikerinnarsiortunut akitsuut isertitassatut missingiutip ukiumut 11,2 mio. kr.-nik annikillisinneqarnissaa qinnutigineqarpoq. Isertitassatut missingiutip taakku immikkoortumi ineriartornerup kingulliup nassatarisaanik pivoq, tassani 2020-mi raajanut TAC-p 5.000 tonsinik qaffanneqarnissaanik raajallu akiisa annikinnerusumik apparnissaannik ilimagisaqarneq ilanngullugit, avaleraasartoorniarnermilu pisat appariarnerat aalisakkanut ikerinnarsiortunut akitsuutit annikillisinneqarnerannut patsisaavoq.

Allannguutissatut siunnersuutinit ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 8-p ataani allannguutissatut siunnersuutit nr. 87-imit 98-imut **akuerineqassassut** ataatsimiititaliami amerlanerussuteqartut Siumup Demokraatillu **inassutigaaat**.

3.4 Sammissaq 9 – Konto pingaarneq 20.11.70 Suliniutinut nutaanut sillimmatit atugasanngortinneqarnera

Qulequttami tassani allannguutissatut siunnersuutinik 14-inik Naalakkersuisut saqqummiussippit. Taakku piffissami aningaasanut inatsisip atuuffiani IST-p inerneranut ukiumut 0,2 mio. kr.-inik pitsanngoriaataassapput.

Sammissami tassani immikkoortoq 30-mi inatsisit nutaat akuersissutigineqarnerisa nassatarisaanik allannguutissatut siunnersuutit arlallit saqqummiunneqarput. Taakkut ilaatigut utoqqalinermi pensionisianut, siusinaartumik pensionisianut ernereernermilu sulinnigiffeqartarneq pillugit nutaamik inatsisiliornermut tunngassuteqarput. Taakku pillugit inatsisissatut siunnersuutit ukiaanerani ataatsimiinnermi uani immikkoortutut 144, 145 aamma 148-tut saqqummiunneqarput. Taamattaaq ilaasunik angallassineq pillugu sullissinissamik isumaqatigiissutit pitsanngorsarneqarnissaannut 2020-mi aningaasanik atugasanngortitsinissaq qinnutigineqarpoq.

Sillimatinut kontomi immikkoortinneqartunit 8 mio. kr.-init kontomut pingaarnermut massumunnga taamaallaat 5.150.000 kr.-it atugassiissutigineqarnissaat allannguutissatut siunnersuut nr. 111 aqutigalugu qinnutigineqartoq Aningaasaqarnermut Ataatsimiititaliamit maluginiarneqarpoq. Aningaasat sinneruttut atugassiissutigineqarnissaat pillugu aningaasanut inatsisip atuuffiata ingerlanerani ilassutitut aningaasaliissuteqarnissamik qinnuteqaammik takkuttoqassasoq ataatsimiititaliamit ilimagineqarpoq. Tassunga atatillugu suliaq nr. 01.31.06/19 – 00853 aamma - 00855 pillugit ataatsimiititaliap aalajangiinini pillugu allagaa ataatsimiititaliamit eqqumaffigeqquneqassaaq. Suliaq nr. 853-imut aalajangiineq pillugu allakkamini ilaatigut makkununnga tunngatillugu pitsanngorsaatissat Naalakkersuisunit isumaliutigineqarnissaat ataatsimiititaliamit kaammattuutigineqarpoq:

- Kiffartuussinissamut isumaqatigiissuteqarfiup iluani Upernaviup Uumannallu kiffartuussivigineqarnissaat.
- Assersuutigalugu Upernaviup Uumannallu eqqaani kaperlannerani ajornartorsiutinik aaqiinissaq.
- Qaanaap eqqaatalu kiffartuussivigineqarnerat.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 9-p ataani allannguutissatut siunnersuutit nr. 99-imit 112-mut **akuerineqassasut** ataatsimiititaliami amerlanerussuteqartut Siumup Demokratillu **inassutigaa**t.

3.5 Sammissaq 10 – konto pingaarnerit 20.05.20 aamma 20.50.01 naammassineqarnissaat

Qulequttami tassani allannguutissatut siunnersuutinik 3-nik Naalakkersuisut saqqummiussippot. Taakku IST-p inerneranut 2020-mi 1,372 mio. kr.-inik aammalu ukiumi missingersuusiortfinni ukiumut 0,3 mio. kr.-inik ajorseriaataassapput.

Konto pingaarneq 20.50.01 Aningaasaqarnermut sulisoqarnermullu tunngasunik qarasaasiakkut

aqutsissutitut pisortat ataatsimut immikkoortortaat aningaasaliissutit 2020-mi 2,7 mio. kr.-nik 2021-millu 0,6 mio. kr.-nik qaffanneqarnissaannut allannguutissatut siunnersuummik saqqummiussisoqarpoq. Aningaasaliissutinik qaffaaneq kommunini Namminersorlutillu Oqartussani akissarsianut akuersissutinillu pisariaqartunik pisinernut aningaasartuutissanik naatsorsueqinnerup nassatarisaanik pivoq. Qaffariaatit affaasa konto pingaarneq 20.05.20 Kommuninut ataatsimoortumik tapiissutit appartinneqarnerisigut aningaasalersorneqarnissaat qinnutigineqarpoq. Taamattaq sammisami uani konto pingaarneq 20.05.20 Kommuninut ataatsimoortumik tapiissutit allannguutissatut siunnersuummik saqqummiussisoqassaaq, tassanilu kommuninik ataatsimoortumik tapiissutit pillugit isumaqatigiissutissatut missingiutip imarisaa tunuliaqutaralugu missingersuutitut tapiliussami oqaasertat nutar-

terneqarnissaat qinnutigineqarpoq. Isumaqatigiissutissatut missingiummi AIS2020-p aappasaneerreqarnerani pingajussaaneerreqarneranilu konto pingarneq 20.05.20 Kommuninut ataatsimoortumik tapiissutit allannguutissatut siunnersuutit saqqummiussat aningaasatigut kinguneqaatai ilanngussuunneqarput.

Allannguutissatut siunnersuutinut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 10-ip ataani allannguutissatut siunnersuutit nr. 113-mit 115-imut **akueri-neqassasut** ataatsimiititaliami amerlanerussuteqartut Siumup Demokraatillu **inassutigaat**.

3.6 Sammissaq 11 – konto pingarneq 20.11.56-ip atugassanngortinneqarnera

Qulequttami tassani allannguutissatut siunnersuutinik 12-inik Naalakkersuisut saqqummiussipput. Taakku IST-p inerneranut 2020-mi 13,446 mio. kr.-inik, 2021-mi 13,3 mio. kr.-inik, 2022-mi 16,9 mio. kr.-inik 2023-milu 15,6 mio. kr. ajorseriaataassapput.

Konto pingarneq 20.11.56 Missingersuutinik iluarsineq, allaffissorneq AIS2020-mi 2020-mi 37,5 mio. kr.-nik 2022-mit 47,5 mio. kr.-nut annertusisumik missingersuutinik ajorseriartitsisoq ilaavoq. Taakku pingaarnertut 'Pisortat ingerlatsiviannik pisariillisaaneq'-mik suliniummik, 2020-mi 30 mio. kr.-nik, 2021-mi 35 mio. kr.-nik kiisalu 2022-mit 40 mio. kr.-nik AI2019-imi 2019-imut aningaasanut inatsimmik isumaqatigiissutip imarisaa tunuliaqutaralugu sipaaruteqarnermik nangitsinerupput. Sammisami uani allannguutissatut siunnersuutinik arlalinnik saqqummiussisoqarpoq, taakkunanilu sipaarniutit atugassanngortinneqarnissaat qinnutigineqarpoq. Atugassanngortitsineq taanna missingersuutinut sunniuteqarpoq, agguaqatigiissillugulu ukiumut 15 mio. kr.-t missaannik missingersuutinik ajorseriartitsissalluni. Sipaarniutit aningaasaliissutini arlalinni atugassanngortinneqarnissaat qinnutigineqarpoq, tassani ingammik immikkoortoq 40-mi. Konto pingarneq 40.02.07 Immikkut ikiorsiissutit, angalanermut aningaasartuutit il.il., suliffeqarfiit aningaasaliissutit annertuumik ukiumut 5,2 mio. kr.-nik apparneqarnerannut tunngatillugu, ataasiartumik taarsigassarsisitsinernut, semesterinut taarsigassarsisitsinernut aningaasartuutit siunissami konto pingarneq 40.02.03 Aningaaserivinnut taarsigassarsiaritat siunissami aningaasartuutigineqartarnissaat tunuliaqutaralugu pimmat erseqqissaatigineqassaaq. AIS2020-mi konto pingarneq 40.02.03 Aningaaserivinnut taarsigassarsiaritat aningaasaliissutit ukiumut 8 mio. kr.-nik qaffanneqarput, taakkullu ilaatigut siunissami aningaasartuutit taakku matussuserneqarnissaannut atugassaapput. Konto pingarnermut uunga aningaasaliissutit annertoqaataanik apparneqanngillat, tamannalu AIS 2020-p pingajussaaneerreqarnissaanut aningaasaliissutinik allannguinermi isiginiarneqarpoq.

Konto pingarneq 20.11.56 Missingersuutinik iluarsineq, allaffissorneq 2020-mit pisortat digitalimik allakkeriviannut ikaarsaarnermi ulloq 1. juli 2020 aallarnerfigalugu ukiumut 3 mio. kr.-nik sipaaruteqartarnissaq tunngavissaatillugu allannguutissatut siunnersuutinik

saqqummiussisoqarpoq. 2020-mit ukiumut 12 mio. kr.-nik sipaaruteqartoqartassaaq. Sipaarutit ingerlatsinermut tapiissutinillu aningaasaliissutini siammasissumik atugassanngortinneqarnissaat qinnutigineqarpoq. Sipaarutit 2020-mi qaammatini pingasuni siullerni ilassutitut aningaasaliissutit aqputigalugu atugassanngortinneqarnissaat qinnutigineqassasoq naatsorsuutigineqarpoq, kingornalu AIS2021-mut ilanngunneqassallutik.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammissaq 11-ip ataani allannguutissatut siunnersuutit nr. 116-imit 127-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaaat**.

3.7 Sammissaq 12 – Aningaasanut inatsit pillugu isumaqatigiissut

Qulequttami tassani allannguutissatut siunnersuutit 19-inik Naalakkersuisut saqqummiussippot. Taakku IST-p inerneranut 2020-mi 14,921 mio. kr.-inik pitsanngoriaataassapput aammalu IST-p inerneranut 2021-mi 23,8 mio. kr.-inik, 2022-mi 15,7 mio. kr. kiisalu 2023-mi 15,4 mio. kr. ajorseriaataassapput.

Sammissami tassani partiit naalakkersuisooqataasut, Demokratit aningaasanut inatsit pillugu isumaqatigiissuteqarnerisa nassatarisaanik allannguutissatut siunnersuutit saqqummiunneqarput. Allannguutissatut siunnersuutit ataasiakkaat imarsiaat ilanngussaq 3-mi – 2020-mut Aningaasanik inatsit pillugu isumaqatigiissut, erseqqinnerusumik nassuiarneqarput. Tulliuttuni aningaasanut inatsit pillugu isumaqatigiissuteqarneq ukiuni aningaasanut inatsisiliorfiusuni 2020-2023 missingersuutit ataatsimut 38,6 mio. kr.-nik ajorseriarnerannik nassataqartoq atuarneqarsinnaavoq.

Allannguutissatut siunnersuummut matumunnga aammalu allannguutissatut siunnersuummut nr. 153-imut iluarsiiissummik Naalakkersuisut nassiussippot, tak. ilanngussaq I. Inatsisinut Tunngaviusussanut Isulioqatigiissitami Inatsisartunut ilaasortat peqataanerminnut aningaasarsiaqartinneqarnissaannut aningaasarsiaqartitsinermut inatsimmi § 18, imm. 2 naapertorlugu piginnaatitsissut iluarsiiissutikkut peerneqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 12-ip ataani allannguutissatut siunnersuutit nr. 128-imit 145-mut **akuerineqassasut** ataatsimiititaliami amerlanerussuteqartut Siumup Demokratillu **inassutigaaat**.

3.8 Sammisag 13 – Allanguutissatut siunnersuutit allat

Qulequttami tassani allanguutissatut siunnersuutinik 7-inik Naalakkersuisut saqqummiussipput. Taakku IST-p inerneranut 2020-mi 45,934 mio. kr.-inik, 2021-mi 19,5 mio. kr.-inik, aammalu 2022-mi 2023-milu 9,5 mio. kr.-inik pitsanngoriaataassapput.

Sammisami allanguutissatut siunnersuutit arlallit, piffissami aningaasanut inatsisiliorfiusumi 2020-2023 ataatsimut katillugit 80 mio. kr.-t sinnerlugit missingersuutinik pitsanngoriartitsinermik nassataqartut saqqummiunneqarput. Missingersuutitigut pitsanngoriaatit sanaartugassanik suliniutit, aningaasartuutikinneruffiullutik matuneqarsinnaasuni, aningaasat atorineqanngitsut utertinneqarnissaannik naatsorsuuteqarnikkut anguneqarpoq. Missingersuutinik pitsanngoriaat 2020-mi 45,9 mio. kr.-inik aningaasartaqarluni annertunerpaavoq.

Allanguutissatut siunnersuutinut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqanngilaq.

Sammisag 13-ip ataani allanguutissatut siunnersuutit nr. 146-mit 152-imut **akuerineqassasut** ataatsimiititaliami amerlanerussuteqartut Siumup Demokraatillu **inassutigaa**t.

4. Oqaasertaliussanut allanguutissatut siunnersuutit

4.1. Naalakkersuisut oqaasertaliussanut allanguutissatut siunnersuutaat

Ilanngussag 2 naapertorlugu oqaasertaliussanut allanguutissatut siunnersuutinik katillugit 16-inik saqqummiussisoqarpoq. Allanguutissatut siunnersuutit taakku 153-mit 169-imut normoqarput. *Ilanngussag 2*-mut attuumassuteqarput. Taakku isumaliutissiisummi **ilanngussag H**-tut ilanngunneqarput.

Oqaasertaliussat teknikimut tunnganerusuupput, taamaattoq makku erseqqissaavigineqassapput:

Oqaasertaliussanut allanguutissatut siunnersuutit 16-it saqqummiunneqarput. Taakku ilaat taaneqarsinnaasut tassaapput konto pingarneq 72.20.02 Kalaallit Nunaanni TV-kkut radiukkullu aallakaatitanik siammarterineq aamma 72.22.01 Umiarsualivinni oqartussaasut, taakku TV-kut radiukkullu aallakaatitanik siammarterinermik, kiisalu umiarsualivimmi oqartussaanermik ingerlatsinermi, sullissinerit taakku Kalaallit Nunaanni ataasiinnavimmit isumagineqarnerat pissutigalugu suliariumannittussarsiuussinernit ilaatinneqannginnerat. Konto pingarnermut 82.24.01 Akileraartarnermut Aqutsisoqarfimmi allaffissornermi ator-torissaarutit il.il. Akileraartarnermut Aqutsisoqarfiup Ilanngaassivimmik ineriartortitsinisamut, atulersitsinissamut atortorsisaarummillu ingerlatsinissamut pisariaqartumik ineriartortitsinermut aningaasassaqaarnissaanik qulakkeerinnittut oqaasertaliussat ilanngunneqarnissaat qinnutigineqarpoq. Oqaasertaliussat Ilanngaassivik pillugu Inatsisissatut siunnersuutip ukiaanerani ataatsimiinnermi uani immikkoortoq 19-itut akuersissutigineqarnissaanik naatsorsuuteqarneq tunuliaqutaralugu ilanngunneqarnissaat qinnutigineqarpoq.

Allannguutissatut siunnersuummut matumunnga aammalu allannguutissatut siunnersuummut nr. 128-mut iluarsiisummik Naalakkersuisut nassiussipput, tak. ilanngusseq I. Inatsisinut Tunngaviusussanut Isulioqatigiissitami Inatsisartunut ilaasortat peqataanerminnut aningaasarsiaqartinneqarnissaannut aningaasarsiaqartitsinermut inatsimmi § 18, imm. 2 naapertorlugu piginnaatitsissut iluarsiisutikkut peerneqarpoq.

Oqaasertaliussanut allannguutissatut siunnersuutit nr. 153-imit 168-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaa**t.

5. Aningaasaqarnermut Ataatsimiititaliap inassuteqaatai

Sammissaq 1-ip ataani allannguutissatut allannguutissatut siunnersuutit nr. 23, 25, 28 kiisalu 30 **akuerineqassasut** ataatsimiititaliap isumaqatigiittup **inassutigaat**.

Sammissaq 2-p ataani allannguutissatut allannguutissatut siunnersuutit nr. 41-mit 44-mut **akuerineqassasut** ataatsimiititaliap isumaqatigiittup **inassutigaat**.

Sammissaq 3-p ataani allannguutissatut allannguutissatut siunnersuut nr. 45 **akuerineqassasut** ataatsimiititaliap isumaqatigiittup **inassutigaat**.

Sammissaq 5-p ataani allannguutissatut siunnersuutit nr. 49 aamma 50 **akuerineqassasut** ataatsimiititaliap isumaqatigiittup **inassutigaat**.

Sammissaq 6-ip ataani allannguutissatut siunnersuutit nr. 63-imit 71-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaat**.

Sammissaq 7-ip ataani allannguutissatut siunnersuutit nr. 72-imit 86-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaat**.

Sammissaq 8-p ataani allannguutissatut siunnersuutit nr. 87-mit 98-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaat**.

Sammissaq 9-p ataani allannguutissatut siunnersuutit nr. 99-imit 112-mut **akuerineqassasut** ataatsimiititaliami amerlanerussuteqartut Siumup Demokratillu **inassutigaat**.

Sammissaq 10-p ataani allannguutissatut siunnersuutit nr. 113-mit 115-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaat**.

Sammissaq 11-ip ataani allannguutissatut siunnersuutit nr. 116-imit 127-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaat**.

Sammissaq 12-ip ataani allannguutissatut siunnersuutit nr. 128-imit 145-mut **akuerineqassasut** ataatsimiititaliami amerlanerussuteqartut Siumup Demokratillu **inassutigaat**.

Sammissaq 13-ip ataani allannguutissatut siunnersuutit nr. 146-mit 152-imut **akuerineqassasut** ataatsimiititaliami amerlanerussuteqartut Siumup Demokratillu **inassutigaaat**.


Oqaasertaliussanut allannguutissatut siunnersuutit nr. 153-imit 168-imut **akuerineqassasut** ataatsimiititaliami amerlanerussuteqartut Siumup Demokratillu **inassutigigaat**.

Allannguutissatut siunnersuutit pingajussaaneerinninnissamut saqqummiunneqartut Inatsisartunit taasissutigineqareerneranni inatsisissatut siunnersuut tamarmiusoq iluserilikkamisut iluseqartoq **akuerineqassasoq** ataatsimiititaliami amerlanerussuteqartut ataatsimiititaliami amerlanerussuteqartut Siumup Demokratillu **inassutigaaat**.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.



Hermann Berthelsen

Sign-


Peter Olsen



Malene V. Rasmussen




Karl-Kristian Kruse



Múte Bourup Egede



Henrik Fleischer



Jens Napaattoq